

Šta je za mene pismenost?

Hvala mojim roditeljima što me usmjeravaju ka obrazovanju. Hvala mojim učiteljima koji su postavili temelje moje pismenosti. Shvatila sam da uz moj trud, mi, zajedno, imamo zajednički cilj. Jer pismenost je temelj za životno obrazovanje. Ona je srž i pokretač za dalji napredak u učenju i životu. Biti pismen danas je u jako bitno. Svi misle da su pismeni, a da li je tako? Pismenost određuje standard jednog pojedinca, društva, nacije i države. Pismeni ljudi su tvorci velikih ideja koje donose promjene u cijelom svijetu. Oni mogu krojiti historiju, mijenjati sadašnjicu i formirati budućnost, moju, tvoju, našu... Pismenost je dakle sinonim za razvoj i napredak, a to su težnje svakog civilizacijskog društva. Prema tome, ona je bitna za razvoj čovjeka kao pojedinca i za napredak društva kao kolektiva. Pismenost određuje standarde, civilizacijske vrijednosti društva, zajednice. Što je više pismenih i obrazovanih ljudi društvo, zajednica je jača i naprednija. Bez pismenosti i ljudi koji je nesebično prenose u različitim formama danas uživamo u tehnologiji, nauci, umjetnosti, mnogobrojnim prednostima današnjeg života. Pismeni ljudi su prosvjetitelji, koji gledaju prvo opće pa tek onda svoje dobro. Često su predmet neshvaćanja i zavisti. Jer u svakoj revolucionarnoj ideji, osnova je pismenost a nosioci ideje ljudi s misijom da razviju društvo i podignu standard života na viši nivo - entuzijasti, altruisti, dalekovidni predvodnici. Pismenost jeste pokazatelj koji određuje vrijednost napretka pojedinca i društva. Nažalost, nepismenost u BiH je prema podacima iz 2013. godine 14% iznad prosjeka. Za razvoj naše države moramo se truditi da našu pismenost podignemo na najviši nivo jer ona nam je prva karika ka uspjehu. Iskoristimo svoje potencijale, učimo, obrazujemo se, istražujemo s ciljem da unaprijedimo sebe, svoju domovinu, cijeli svijet.

Sara Litrić , VII-4